

皇  
明  
詔  
令

皇明詔令目錄

卷之一

太祖高皇帝上

討張士誠令

龍鳳十二年十一月

日

撫諭浙西吏民令

龍鳳十二年十二月二十四日

諭中原檄

遇變省躬旨

吳元年八月二十四日

初即帝位詔

洪武元年正月初四日

頒行律令勅

洪武元年五月十八日

初定南北京詔

洪武元年八月初一日

初元大赦天下詔

洪武元年八月十一日

諭隱逸詔

洪武元年十月

克燕京詔

洪武元年十月

賜寧國府稅糧詔

洪武二年正月初一日

賜北平河南山東山西稅糧詔

洪武二年正月初一日

改封雷州府城隍神號詔

洪武二年正月

賜河南界內稅糧詔

洪武二年正月二十日

賜畿內府州稅糧詔

洪武二年正月

賜供軍諸處稅糧詔

洪武三年三月初一日

封諸王詔

洪武三年四月初七日

初設科舉條格詔 洪武三年五月初一日

初正山川并諸神祇封號詔 洪武三年六月初三日

諭遼陽吏民詔 洪武三年 月

撫諭元主眷屬詔 洪武三年六月十五日

議賞征討將士詔 洪武三年十一月十一日

諭擴廓帖木兒黨衆詔 洪武 年

## 卷之二

太祖高皇帝中

命左右相詔 洪武四年正月初一日

賜浙江租糧詔 洪武四年正月

賜江西租糧詔

洪武四年五月初四日

勸興禮俗詔

洪武五年五月

命臺省輔臣詔

洪武六年七月

優卹經難兵民詔

洪武七年八月

分別應赦諸人詔

洪武七年十一月

命胡僧為禪師詔

洪武七年十一月

營造蠲免詔

洪武九年三月

省變求言詔

洪武九年閏九月

訪求師儒勅

洪武十年

賜興王州縣稅糧詔

洪武十一年八月

命諸司遵奉勸合勅

洪武

追封后戚勅

洪武

賜天下秋糧詔

洪武十三年正月十一日

雷震謹身殿肆赦詔

洪武十三年五月初一日

罷中書省及都府詔

洪武十三年

雷變受朝

正殿詔

洪武十三年六月

戒諭新舊有司詔

洪武十三年九月初七日

諭浙江布政司查照文移勅

洪武十三年十月二十六日

賜興王五郡民田租糧詔

洪武十四年十月

命陝西類解文移勅

洪武十五年正月初十日

平雲南詔

洪武十五年二月二十日

賜直隸江浙河南山東等處租糧詔

洪武十五年四月十五日

戒諭諸司修職勅

洪武十五年六月初五日

寬宥詔

洪武十七年三月二十七日

卷之三

太祖高皇帝下

禁戒諸司納賄詔

洪武十八年六月二十七日

免山東北平秋糧詔

洪武十八年九月

優恤高年并窮民詔

洪武十九年六月二十日

褒賜蘇州府官祿勅

洪武十九年六月三十日

諭法司勅

洪武

戒諭武臣勅

洪武二十一年六月

諭武臣恤軍勅

洪武二十一年六月

諭藩臬郡縣勅

洪武二十三年三月十五日

宥胡藍黨人詔

洪武二十六年九月初十日

諭司務勅

洪武二十八年六月

賜蠲山東北平秋糧詔

洪武二十八年七月

再賜興王五郡秋糧詔

洪武二十八年九月初六日

再賜山東秋糧詔

洪武二十八年九月初六日



再賜興王五郡秋糧詔

洪武二十九年八月二十九日

立

皇太孫詔

洪武二十九年九月十三日

覆選貢士詔

洪武三十年三月

折徵逋賦詔

洪武三十年十月

賜封占城國王詔

洪武

賜封高麗國王詔

洪武

宣諭武臣勅

洪武三十一年六月

戒諭管軍官勅

洪武

諭占城安南二國詔

洪武

遺詔 洪武三十一年閏九月初十日

嘉靖三十七年正月浙江布政使司校德

皇明詔令卷之一

太祖高皇帝上

討張士誠令

龍鳳十二年十一月

吳王令旨予聞伐罪救民王者之師攷之往古世  
代昭然軒轅氏誅蚩尤殷湯征葛伯文王  
伐崇侯三聖之起兵也非富天下本為救  
民近者有元之末主居深宮臣操威福官  
以賄成罪以情免臺憲舉親而覈讐有司  
差貧而賣富廟堂不以為慮又添冗官又  
改鈔法後四十萬人堙塞黃河死者枕藉

于道哀苦聲聞于天致使愚民誤中妖術  
不鮮倡言之妄誕酷信彌勒之真有冀其  
治世以甦其苦聚為燒香之黨根據汝穎  
蔓延河洛妖言旣行兇謀遂逞焚蕩城郭  
殺戮士女荼毒生靈無端萬狀元以天下  
兵馬錢糧而討之畧無功效愈見猖獗然  
而終不能濟世安民是以有志之士旁觀  
熟慮或假元氏為名或托鄉軍之號或以  
孤兵獨立皆欲自為由是天下土崩瓦解  
予本濠梁之民初列行伍漸至提兵灼見

妖言終不能成事又度胡運難與成劫遂  
領兵渡江賴

天地祖宗之靈及將帥之力一鼓而有江左再鼓  
而定浙東陳氏稱號據我上游爰與閭閻  
之師彭蠡交兵元惡授首其父子兄弟  
縛輿櫬旣待以不死又封以列爵將相置  
于朝班民庶各安于田里荆襄湖廣  
版圖雖德化未及而政令頗修惟茲  
張氏爲民則私販鹽貨行劫于江湖  
則嘯聚兇徒負固于海島其罪一也

海隅一區難抗天下金勢詐降于元執其  
叅政趙璉囚其待制孫撫其罪二也曩後  
掩襲浙江兵不滿萬數地不足千里猶能  
敗元其罪三也初寇我邊一戰而逃終  
親弟再犯浙省揚矛而直擣其近郊  
畏縮又乃降詐于元其罪四也占據浙  
錢糧十年不貢其罪五也陽受元朝  
陰行假王之命被制達丞相謀害楊  
其罪六也知元綱已墜公然害其  
相柘藏結聚起而違天夫豈化結木  
為石

罪不也誘我叛將劫掠遺民其罪不也  
此太署有甚于蚩尤葛伯崇禎繼業  
湯文武與之同世亦所不容理宜征討  
拯災可似濟斯民爰命中書左丞劉  
達率領馬步官軍舟師水陸並進攻  
浙西諸處賊地嘗戒飭軍士征討所  
厥渠魁脅從罔治凡有逋逃恆民被  
生咸宥其罪其舊人數果能安業  
民舊有房舍田土概納糧以供軍  
無科取使汝等永保鄉里以全室家此與

師之故也敢有千百相聚旅拒王師者即  
當兵移勦滅遷徙宗族于五溪兩廣兼雜  
鄉土以禦邊戎果有賢哲或全城歸附或  
棄刃率衆來降予所賞賜非所輕吝先陳  
之言語信如皎日浴汝臣庶毋或自疑  
榜知悉

撫諭浙西吏民令

龍鳳十二年庚子

月

吳王令  
昔予聞帝王之治世其初也素養天下之  
懷不待而趨非其威也養天下之懷



所不得已而用兵自有元夫禦中原鼎  
沸四海瓜分予時為民于淮上進不能  
上達退不能自安是以不得已而起兵  
至于撫有江東土地漸廣民物漸多而  
四面皆敵國民無一日安又不得已而用  
兵于是西平陳漢跨有蜀州南定雲南  
北有荆襄以及淮四惟浙西張氏據其  
壤地相接屢獲我境競誘納我將士  
興問罪之師淮東郡已首先歸定奉  
者加之以刑來降者寵之以爵遂命太

將軍徐達副將軍平章常遇春總兵東入太湖是以湖舊館守援之將李司徒呂左丞等百有餘名精兵七萬餘衆節次歸附復命浙東省右丞文忠統兵東北破克桐廬富陽駐兵浙右杭州守臣平章潘元明差官送款以全城聽命可謂識天時人事之俊傑有合予吊民伐罪之初意已勅征行將士凡州郡城郭鄉村軍民之家私毫無犯官府倉庫舊有主者封籍以待敢有侵漁以律論罪其潘平章等大小

官員即我藩輔各安其職故茲今諭中外知悉

諭中原檄

皇帝王臨御天下中國居內以制夷狄夷狄居外以奉中國未聞以夷狄治天下也自宋祚傾移元以北狄入主中國四顧內外罔不臣服此豈人力實乃天授然天下志士尚有冠履倒置之嘆自是以後歷之臣子不遵祖訓廢壞綱常有如大德長立幼秦定以臣弑君天曆以弟耽兄至

於弟收兄妻子烝父妾上下相習恬不爲怪其於父子君臣夫婦長幼之倫瀆亂甚矣夫人君者斯民之宗主朝廷者天下之根本禮義者御世之大防其所爲如彼豈可爲訓於天下後世哉及其後嗣沈荒失君臣之道又加以宰相專權臺報怨誹司毒虐於是人心離叛天下兵起使我中國之民死者肝腦塗地生者骨肉不相保雖因人事所致實天厭其德而棄之之時也古云胡虜無百年之運驗之今日信乎

不謬當此之時天運循環中原氣盛億兆之中當降生聖人驅逐胡虜恢復中華立綱陳紀救濟斯民今一紀于茲未聞有濟世安民者徒使爾等戰戰乾乾處於朝秦暮楚之地誠可矜憫方今河洛關陝雖有數雄忘中國祖宗之姓反就胡虜禽獸之名以爲美稱假元號以濟私恃有衆以要君阻兵據險互相吞噬反爲生民之巨害皆非華夏之主也予本淮右布衣因天下亂爲衆所推率師渡江居金陵形勢之地今十有三年西抵巴蜀東

連滄海南控閩越湖湘漢沔兩淮徐邳皆入版  
圖奄及南方盡爲我有民稍安食稍足兵稍精控  
弦執矢目視我中原之民以無所主深用疚心予  
恭天成命罔敢自安方欲遣兵北逐群虜拯  
民於塗炭復漢官之威儀慮民人未知反爲賊  
讐挈家北走陷溺尤深故先諭告兵至民人勿  
避予號令嚴肅無秋毫之犯歸我者永安於  
中華背我者自竄於塞外蓋我中國之民天  
必命中國之人以安之矣夷狄何得而治哉爾  
民其體之如蒙古色目雖非華夏族類然同

生天地之間有能知禮義願爲臣民者與中國之人撫養無異

遇變省躬旨 吳王元年八月二十四日

中書省於吳元年秋八月二十四日欽奉

吳王聖旨予思眇躬託於臣民之上所作者多未當理又思前元之失且元之失天下也其若無暴虐之罪而有猶豫不斷之弱臣操威福要奸擅權省臺等臣以公挾私害及平民是以天心更改欲命有德以授天下將革命焉予自興兵十有七載荷

天之賜兵民之疆日以衆廣治國養民之道儘有可  
爲但以予蠢不能嚴切太過喜怒任情倉卒  
行事刑及無辜有負

上帝好生之德已獲罪於神人乃於八月十四日雷  
霆警示擊正宮之獸吻十六日雷火焚及所  
乘備戰海舟十八日京城內外震死軍民數  
人二十一日烈風大撼海舟中檣損裂推其  
所由實予德薄是致警戒如此書曰皇天無  
親惟德是輔非有德者禍之茲者省躬悔過  
尚望內外百官匡輔不逮自今伊始凡我臣



民不訐稱贊功德期致民安田里法度簡  
刑當有罪不戮無辜兵臨敵境或降或克如  
有稱道庶幾無愧省家遍行文書各處知  
者

聖旨玉音

初即帝位詔

洪武元年正月

皇帝詔曰朕惟中國之君自宋運既終

天命真人於沙漠入中國爲天下主傳及子孫百有  
餘年今運亦終海內土疆豪傑分爭朕本漢  
右庶民荷

上天眷顧

祖宗之靈遂乘逐鹿之秋致英賢於左右凡兩淮兩  
浙江東江西湖湘漢沔閩廣山東及西南諸  
蠻夷各處寇攘屢命大將軍與諸將校奮揚  
威武皆已戡定民安田里今文武大臣百司  
衆庶合辭勸進尊朕為皇帝以主黔黎俛徇  
輿情於吳二年正月初四日告祭

天地于鍾山之陽即皇帝位于南郊定有天下之號  
曰大明以吳二年為洪武元年是謂恭詣  
太廟追尊四祖諡號為遠祖皇后其田里未實無田

太社太稷于京師以冊寶立妃馬氏爲皇后長子璿  
爲皇太子布告中外咸使聞知

頒行律令勅

洪武元年正月十八日

朕惟律令者治天下之法也今以教之於先  
律以齊之於後古者律令至簡後世漸以繁  
多甚至有不能通其義者何以使人知法意  
而不犯哉人既難知是啓吏之奸而陷民於  
法朕甚憫之今所定律甚繁就簡使之歸一  
直言其事庶幾人人易知而難犯書曰刑期  
于無刑天下果能遵令而不蹈於律刑措之

效亦不難致茲命頒行四方惟爾臣庶體予至意

初定南北京詔

洪武元年八月初一日

皇帝詔曰朕惟建邦基以成大業興王之根本爲先居中  
夏而治四方立國之規模至重自趙宋末世夷  
狄入主中國今百餘載其運乃終群雄分爭未  
見有定于一者民遭塗炭亦已極矣朕以布衣  
當擾攘之際拔身戎伍率衆渡江荷

天地眷祐

祖宗積德臣下宣忠三軍用命西平陳友諒東滅張  
士誠南靖閩廣北有中原武功大集混一之

勢已成十七年間凡糧儲軍需百物料徵類  
繁尤甚民無休息者皆江左一方受供給之  
繁遂致天下收平寧之效初有助於朕其可  
忘乎頃幸大梁詢及父老皆曰昔聖人居中  
國而治四夷天下咸安朕觀中原土壤四方  
朝貢道里適均父老所言乃合朕志可不從  
乎然立國之規模固大而興王之根本匪輕  
以其金陵大梁爲南北京朕於春秋往來巡  
狩駐守播告爾民使知朕意至於立

宗廟建宮室定朝市南京既創置矣北京其令有司

次第舉行於戲江左開基立四海永清之本  
中原圖治廣一視同仁之心故茲詔示想宜  
知悉

初元大赦天下詔

共武元年八月十一日

皇帝詔曰天生民而立之君君者奉天而安養斯民  
者也昔者元政陵夷民失安養羣雄蜂起疆  
宇瓜分朕以布衣入戎伍憤生民塗炭提孤  
軍與豪傑同志者恩所以靖之賴

天之靈因民之利干戈所至強殞弱服大河之北以  
至南海罔不來臣重念推戴以來軍士勞苦

農民罷散未有以安之賢人君子逃匿巖穴  
未有以來之刑亂重典未有以平之供億繁  
重未有以舒之是以陰陽差謬水旱不特

天災屢見朕甚懼焉爰布溥恩與民更始可大赦天  
下自洪武元年八月十一日昧爽以前除謀  
反大逆子孫謀殺祖父母父母妻妾殺夫奴  
婢殺主謀故殺人強盜蠱毒魘魅不赦外其  
餘已未發覺已未結證罪無輕重咸赦除之  
敢有以赦前事相告言者罪以其罪所有便  
民事宜條列于後

一出征軍官軍人多負勞苦其家小仰中書省  
大都督府厚加存恤

一新附地面起遣到軍人少壯者永爲軍士老  
病無子充軍者聽從其便

一各處起到并陣亡病故軍人寡婦無依倚者  
聽從其便

一征進逃軍詔書到日限一月以裏赴官首免  
官爲資給軍裝行糧送赴軍前其守禦逃役  
者亦仰一體首告所在官司應付行糧起還  
還後限外不首罪復如初



一大軍收附去處得到人民無問諸色人等不得妄加殺戮若有親屬給親完聚如無親屬聽從其便其來降者優加禮待

一民間租稅水陸寫遠送納京師實爲艱難仰中書省輪差夫丁召募水手設法轉運務從利便毋致重困吾民

一今歲水旱去處所在官司不拘時限從實踏勘實災租稅即與蠲免

一各處荒閑田地許令諸人開墾永爲己業與免雜泛差役三年後依民田起科稅糧

一鎮江府密邇京畿供給繁重洪武元年租稅災熟不等有司不須檢踏盡數蠲除次年夏稅亦與優免

一各處人民曩因兵燹拋下田土已被有力之家開荒成熟者聽爲己業其業主回還仰有司於附近荒田內驗數撥付耕作墳塋房舍不在此限

一山東河南兩浙閩廣新附地面凡易代虧欠係官錢糧未徵到官者盡行革罷

一孔子曲阜已嘗遣使致祭其襲封衍聖公并

世襲知縣並如歷代舊制仍免孔氏差役一  
一懷才抱德之士久因兵亂潛避巖穴所在官  
司用心詢訪其實申奏以憑禮聘共圖治效  
一學校選舉比因軍政未遑興理仰中書省集  
議舉行務求實效無尚虛文監察御史按察  
司常加勉勵

一各處流移人戶頃因軍政量移他所詔責  
日即令放還

一各處起到賢良官吏仰中書省量材錄用老  
病殘疾者聽從自便

一各處徙流遷發者詔書到日即令放還其城寨頭目及已發充軍者不在此限

一項因戡亂刑出軍律未爲平允仰中書省再行講究務從中典

一處決重刑須待秋後無得非時以傷生意

一各處造作物料官給價值務要隨即對物支付毋得一槩科害於民

一書籍筆墨農器等物不得收取商稅

一各處拖欠係官錢糧自洪武元年正月以前未徵到官者盡行蠲免已入主典之手不在

此限

一蒙古色目人民既居我土即吾赤子果有村  
能一體擢用

一鰥寡孤獨廢疾不能自養者官爲存恤

一京城被火之家仰中書省量加賑恤

一民年七十以上許令一丁侍養與免雜泛差  
役

一御史臺監察御史提刑按察司耳目之寄肅  
清百司今後慎選賢良方正之人以副朕意  
合行事宜仰中書省御史臺集議舉行

一民間凡有不便事理該載不盡者有司明白  
申舉事輕者中書省即與施行重者集議奏  
聞

於戲民隆塗炭十有七年蕩析離居光岳之氣於  
焉始復繼自今徃各厚爾生共享太平之福  
以臻雍熙不其偉歟布告中外咸使聞知

以明隱逸詔

洪武元年九月

奉

天承運

皇帝詔曰朕惟天下之廣固非一人所能治必得天

下之賢共成之向以干戈擾攘疆宇被此致  
賢養民之道未之深講雖賴一時輔佐匡定  
大業然而懷材抱德之士尚多隱於巖穴豈  
法令靡常而人無所守歟刑辟煩重而士懷  
懼歟抑朕寡昧事不師古而致然歟不然賢  
士大夫幼學壯行思欲堯舜君民者豈故汨  
沒而已哉今天下甫定日與諸儒講明治道  
啓沃朕心其敢不以古先哲王是期巖穴之  
士有能以賢輔我以德濟民者尚不吾棄故  
茲詔示咸使聞知

克燕京詔

洪武元年十月

奉

天承運

皇帝詔曰一海宇以安人心正國統以君天下理勢所在古今皆然自羣雄乘亂以來四方思治切惟元綱已墮疆土遂分孰拯斯民以定于一顧予菲德造此丕圖荷

上天眷祐臣鄰翊贊肇期江左平定中原睽惟幽薊實彼根本命將北伐列辟皆順已於洪武元年八月初二日克取燕城胡君遠遁兵無犯



於秋毫民不移其業小肆捷音來奏殊副朕懷  
今致燕城為北平以命官屯守海宇既同國  
統斯正方與民生共享安平之福尚賴中外  
臣僚夙夜公勤以正朕之不逮所有事宜條  
列于後

一殘元父子遠遁沙漠空顏蒯突等類素相讐  
敵必不能容果能坐識天命銜壁來降待以  
殊禮作賓吾家

一避兵人民團結山寨詔旨到日並聽各還本  
業若有負固執迷必罪在不原

一殘元領兵頭目已嘗抗拒王師畏罪屯聚者有能率衆來歸量材擢用

一故官及軍民人等近因大軍克取之際倉惶失措生離父母妻子逃遁他所果能自拔來歸並無罪責仍令完聚

一朔方百姓及蒙古色目人民向因兵革連年供給久困弊政自歸服之後並仰各安生理趁時耕作所有羊馬孳畜從便牧養所司常加存恤

一北平府新附地面應有犯罪及官有過失但

係前代事理並行革罷

一秘書監圖書國史典籍太常法服祭器儀衛及天文儀象地理戶口版籍應用典故文字已令總兵官收檢其或迷失散在軍民之間者許赴官司送納

一自兵革以來南北路隔其北平府應有南方之人願還鄉者聽從其便

一未附州郡總兵官明示禍福隨處招諭

一各處征進軍人其有陣亡病故者仰所在官司隨即埋瘞仍恤其家

一新附州城軍民官吏非奉朝廷明文毋得擅  
科取索騷擾百姓以妨農務

於戲上奉

天心俾萬民而咸慶下以民欲合四海以爲家故茲  
詔示想宜知悉

賜寧國府稅種詔洪武二年正月初一日

皇帝詔曰朕自淮右渡江駐兵太平開基建業繼克  
鎮江下宣城賴

天之靈將士之力西征北伐用不平定朕念創業之

初國用所給皆取辦四郡供給繁重未嘗一

日忘之今天下之勢十定其九南北混一  
期朕欲四郡之民次第甦息故先太平次及  
應天鎮江俱已蠲免稅糧一年其寧國府洪  
武二年夏秋二稅亦與蠲免有司其奉朕意  
益加存恤故茲詔示咸使聞知

賜北平河南山東山西稅糧詔

洪武二年正月初一日

皇帝詔曰朕本淮右布衣因天下亂率衆渡江保吳  
圖治今有十四年矣荷

天眷祐西取陳友諒以安荆楚東縛張士誠以平三  
吳遂至八番直抵交廣以及於海悉皆戡定

重念中國本我華夏之君所主豈意胡人入  
據已及百年

天厭昏淫群雄並起以致兵戈分爭生民塗炭是用  
命將北征兵渡大河齊魯之民歡然來迎餽  
糧給軍不辭千里朕思其民當元之末疲於  
供給今既效順何忍復勞朕爲天下主深用  
憫然已將山東行省洪武元年稅糧免徵未  
期天旱民尚甦其洪武二年夏秋二稅再行  
蠲免近者平燕都下晉冀地上疆宇盡行爲  
國家所有其民久被兵殘困於征歛尤甚齊

魯之民其北平河南山東山西新附地面洪武二年稅糧亦與蠲免十年有司更加存恤以副朕懷故茲詔示想宜知悉

改封雷州府城隍神號詔

洪武二年

奉

天承運

皇帝詔曰帝玉受

天明命行政教於天下必主聖王之瑞受命之符此天示不言之妙而非人見聞所及者也神司淑慝爲天下降祥亦必受天之命所謂明有

禮樂幽有鬼神天理人心其致一也朕君四方雖明智弗類代天理物之道實鑒于秉應天命此神所鑒而簡在

帝心者君道之大惟典神天有其舉之承事惟謹雷州府城隍聰明正直聖不可知也茲以臨御之初與天下更始此城隍之神皆新其命瞻此郡城隍如其所司宜封曰鑒察斯民司城隍威靈公威則昭臨有赫靈則感通無方此固神之德而亦上天之命也司事我民鑒于郡政享茲典祀悠久無疆主



者施行

賜河南界內稅糧詔

洪武二年正月二十日

奉

天承運

皇帝詔曰朕本淮右布衣因天下亂率衆渡江保  
民圖治今十有四年矣荷

天眷祐西取陳友諒以安荆楚東縛張士誠以平  
三吳遂至八番直抵交廣以極于海諸皆  
戡定重念中國本我華夏之君所主豈類  
胡人入據已有百年

天厭昏淫群雄並起以致干戈紛爭生民塗炭是用命將北征兵渡大河齊魯之民歡然來迎饋餉給軍不辭千里朕思其民當荒之末疲于供給今既効順何忍復勞朕爲天下主深用憫焉已將山東行省洪武元年稅糧免徵不期天旱民尚未甦其洪武二年夏秋二稅再行蠲免近者平燕都下晉冀土地疆宇今盡爲國家所有其民久被兵殘困於徵歛尤甚齊魯之民其赴平燕南河漢山西新附地面洪武二年稅糧亦

與蠲免河南諸郡歸附以來久欲惠之奈  
東西未平則出師所經籍資糧餉是以未  
遑今晉冀既平大兵已入秦矣除北京河  
南所轄徐宿等州已免稅糧外西抵潼關  
北界大河南至唐鄧光息洪武二年夏秋  
稅糧盡行蠲免以遂朕之初意故茲詔示  
想宜知悉

賜畿內府州稅糧詔 洪武二年正月

皇帝詔曰朕自淮右率衆渡江首定太平次居建業  
肇興丕基其太平鎮江宣城廣德為京師之

翼郡至如興師旅定群雄六合一家軍需錢糧供給浩繁止此數郡以足我用子孫萬世何忘江右之民朕心拳拳舊歲已免稅糧忽遇天旱竟無可收縱使不免亦無可徵雖惠不及於心有歉其洪武二年夏稅秋糧寧國府已行詔免應天太平鎮江再免一年其廣德并滁和無爲州今歲稅糧亦與蠲免以甦民困稱朕意焉故茲詔示想宜知悉

賜供軍儲處稅糧詔

洪武三年三月初一日

皇帝詔曰蓋聞自古帝王之興必有賴於武功成武

功者必有資於民力矜恤之道理所當先朕  
自即位以來于今三年朕欲與民同樂於天  
地間柰緣守將新戍於邊陲大將率師於吐  
番轉運之勞猶未能已然各處郡邑供給有  
先後豐歛有不同雖嘗免其稅糧猶慮凋弊  
之餘未能蘇息其應天鎮江太平寧國廣德  
滁州和州當創業之初錢糧供給實為浩繁  
止此數郡以充國用遂致平定四方念其勤  
勞何時忘之深宜優恤應天太平鎮江也嘗  
免其稅糧二年寧國廣德滁和已免其年今

此七處洪武三年夏稅秋糧再行蠲免其徽州嚴州金華衢州處州廣信池州饒州廬州皆以次歸附供給亦為繁勞今此九處洪武三年夏稅秋糧亦與蠲免其河南北平近久版圖重念其民久罹兵革疲困為甚山東與河南地方相接其民宜加培養庶使河南之民得以相率為生山東已嘗與免稅糧二年河南北平已免一年今此三處洪武三年夏稅秋糧再行蠲免朕以布衣起兵備知黎庶之艱難稅糧從寬必先郡邑之凋弊所在有

司其尚謹於奉承以體朕恤民之意故茲詔示想宜知悉

封諸王詔

洪武三年四月初一日

皇帝詔曰朕荷

天地百神之祐

祖宗之靈當羣雄鼎沸之秋奮興淮右賴將帥宣力創業江右曩者命大將軍徐達總率諸將以定中原不二年間海宇肅清虜遁沙漠大統既正黎庶靖安欲先論武功以行爵賞緣土番之境未入版圖今年春復命徐達等再征

是以報功之事未及舉行朕聞昔帝王之子  
居嫡長者必正儲位其衆子當封以王爵分  
茅胙土錫以其國朕今有子十人即位之初  
已立長子標爲皇太子諸子之封本待報賞  
功臣之後然尊卑之分所宜早定乃以四月  
初七日封第二子奭爲秦王第三子桐爲晉  
王第四子棣爲燕王第五子櫟爲周王第六  
子楨爲楚王第七子榑爲齊王第八子禔爲  
潭王第九子杞爲魯王第十子檀爲蜀王姪  
孫守謙爲靖江王皆授以冊寶設置相傳官



屬及諸禮儀已有定制於戲奉

天法古實爲生民明此彛倫非文武賢能三軍用命  
江右人民之助何以致此尚賴各盡心力以  
成治功故茲詔示咸使聞知

初設科舉條格詔

洪武三年五月初一日

奉

天承運

皇帝詔曰朕聞成周之制取材於貢士故賢者在職  
而其民有士君子之行是以風俗淳美國易  
爲治而教化彰顯也漢唐及宋科舉取士各

有定制然但貴詞章之學而未求六藝之全  
至於前元依古設科待士甚優而權豪勢要  
之官每納奔競之人辛勤歲月輒竊仕祿斷  
得資品或居舉人之上懷材抱德之賢恥於  
並進甘隱山林而不起風俗之弊一至於此  
今朕統一中國外撫四夷與斯民共享昇平  
之治所慮官非其人有傷吾民願得君子而  
用之自洪武三年八月爲始特設科舉以取  
懷材抱德之士務在經明行脩博古通今文  
質得中名實相稱其中選者朕將親策于廷

觀其學識品甚高下而任之以官果有材學  
出衆者待以顯擢使中外文武皆由科舉而  
選非科舉毋得與官敢有遊食奔競之徒坐  
以重罪以稱朕責實求賢之意所有合行事  
宜條列于後

一鄉試會試文字程式

第一場試

五經義各試本經一道不拘舊格惟務經  
旨通暢限五百字以止

易程朱氏註古註疏

書蔡氏傳古註疏

詩朱氏傳古註疏

春秋左氏公羊穀梁胡氏張洽傳

禮記古註疏

四書義一道限三百字以上

第二場試

禮樂論限三百字以上

詔誥表箋

第三場試

經史時務策一道惟務直述不尚文藻限

一千字以上

第三場畢後十日面試

騎觀其馳驟便捷

射觀其中數多寡

書觀其筆畫端楷

律觀其講解詳審

一殿試時務策一道惟務直述限一千字以上  
一出身

第一甲第一名從六品第二第三名正七品

賜進士及第

第二甲一十七名正七品賜進士出身

第三甲八十名正八品賜同進士出身

一鄉試各省并直隸府州等處通選五百名爲  
率人材衆多去處不拘額數若人材未備不  
及數者從實充貢

河南省四十名 山東省四十名

山西省四十名 陝西省四十名

北平省四十名 福建省四十名

江西省四十名 浙江省四十名

湖廣省四十名 廣東省四十名

廣西省二十五名

在京鄉試直隸府州一百名

一會試額取一百名

一高麗國安南占城等國如有經明行修之士  
各就本國鄉試貢赴

京師會試不拘額數選取

一開試日期

鄉試八月

初九日第一場

十二日第二場

十五日第三場

會試次年二月

初九日第一場

十二日第二場

十五日第三場

殿試三月初三日

一三年一次開試

一於洪武三年鄉試洪武四年會試

一各省自行鄉試其直隸府州赴京鄉試凡舉  
各具籍貫年甲三代本姓鄉里舉保州縣申  
行省印卷鄉試中者行省咨解中書省判送  
禮部印卷會試



一仕宦已入流品及曾於前元登科并曾仕宦者不許應試其餘各色人民并流寓各處者一體應試

一有過罷閒人吏娼優之人並不得應試  
一應舉不第之人不許喧鬧撫拾考官及擅擊登聞鼓違者究治

一凡試官不得將弟男子姪親屬徇私取中違者許赴省臺指實陳告

一科舉取士務得全材但恐開設之初騎射書美未能徧習除今科免試外候三年之後須

要全備方許中選

於戲設科取士期必得於全材任官惟能庶可成  
於治道咨爾有衆體朕至懷故茲詔示想宜  
知悉

初正山川并諸神祇封號詔 洪武三年六月初三日

奉

天承運

皇帝詔曰自有元失馭羣雄鼎沸土宇分裂聲教不  
同朕奮起布衣以安民爲念訓將練兵事定  
華夷大統以正惟永惟固爲治之道必本於

禮考諸祀典如五嶽五鎮四海四瀆之封起  
自唐世崇名美號歷代有加自天地開闢以  
至于今英靈之氣萃而爲神必皆受命於

上帝幽微莫測豈國家封號之所可加瀆禮不經莫  
此爲甚至於忠臣烈士雖可以加封號亦惟  
當禮爲宜夫禮所以明神人正名分不可以  
僭差今命依古定制凡嶽鎮海瀆並去前代  
所封名號山水以山水本名稱其神郡縣城  
隍神號一體改正歷代忠臣烈士亦依當時  
初封以爲實號後世謚美之稱皆與革去其

孔子善明先王之要道爲天下師以濟後世  
非有功一方一時者比所有封爵仍因其舊  
庶幾神入之際名正言順於理爲當用稱朕  
以禮事神之意所有定制神號開列于後

一五嶽稱東嶽泰山之神南嶽衡山之神中嶽  
嵩山之神西嶽華山之神北嶽恒山之神

一五鎮稱東鎮沂山之神南鎮會稽山之神中  
鎮霍山之神西鎮吳山之神北鎮醫無閭山  
之神

一四海稱東海之神西海之神南海之神北海

之神

一四瀆稱東瀆大淮之神南瀆大江之神西瀆  
大河之神北瀆大濟之神

一各處府州縣城隍稱某府城隍之神某州城  
隍之神某縣城隍之神

一歷代忠臣烈士並依當時初封名爵稱之

一天下神祠無功於民不應祀典者即係淫祠  
有司毋得致祭

於戲明則有禮樂幽則有鬼神其理既同其分當  
正故茲詔示咸使聞知

諭遼陽吏民詔

洪武三年

月

皇帝詔諭遼陽等處官民曰朕承

天統卽皇帝位其年八月元君遁去其國已而山東  
河西之南北以及關陝内外文武不戰來歸  
中原境土一時皆定此實

天意非人力也今年六月左副將軍李文忠右副將  
軍趙庸遣使來奏五月十六日率兵至應昌  
府獲元君之孫買的八里刺及其后妃寶冊  
始知元君已於四月二十八日因疾而殂其  
子孫愛猷識理達臘數騎北棄天運之去昭

然獨念遼陽靈隔尚多故臣遺老不能見義  
遣使一來而反團結孤立盤桓鄉里因循歲  
月其非善後之謀邇者高麗安南占城西洋  
瓜哇瑣里海外諸國猶能知天時審人事專  
使稱臣入貢豈汝等之所不及耶抑我師之  
未至耶專茲遣人以往果能審識

天命傾心來歸者有司量材擢用有業者各安生理  
朕不食言爾宜圖之

撫遇元主眷屬詔

洪武三年六月十五日

奉

天承運

皇帝詔曰朕本農家樂生有元之世何庾申之君荒  
淫昏溺紀綱大壞由是豪傑並起海內瓜分  
雖元兵轉戰華夏終不能治此

天意也然倡亂之後首禍天下謀奪土疆欲為王霸  
觀其所行未合于理故皆滅亡亦

天意也朕當是時年二十有四擾攘之秋盤桓避難  
終不能居乃托身行五驅馳三年覩群雄無  
成徒擾生民朕乃率兵渡江訓將練兵奉

天征討于今十有六年削平強暴混一天下



正民庶普安今年六月初十日左副將軍來奏  
忠右副將軍趙庸等遣使來言五月十六日  
率兵至沙漠於應昌府獲元主之孫買的里  
八剌及后妃并冊寶等知庚申之君已於四  
月二十八日因痢疾歿於應昌大軍所至俘  
獲無遺中書上言宜將其孫及后妃并寶冊  
獻俘于

太廟朕心思之深有不忍其君之亡係乎

天運所遺幼孫若行獻俘加殃其身朕所不爲也况  
朕本元民天下之亂實非朕致今定四海休

息吾民於田里非朕所能亦天運所致然也  
尚慮臣民未知朕意是用播告天下所有事  
宜條列于後

一總兵官以禮護送買的里八剌已至北平朕  
憐帝王之後難同庶民及首亂僭號來歸者  
封崇義侯崇其眷屬及母后等同居飲食服  
用出官民上以存元之祭祀禮法前王不  
過虧

元君之子愛猷識理達臘畏懼倉卒流離塞  
北豈知

天運已去人力難爲若審度朕心籌之右左求撫夷  
子朕當法古先帝王之禮使作賓於五朝果  
能如是朕不食言

一元君隨駕人員倉卒迴避者中有賢智者豈  
不自度曩者有元興起係是外夷猶能胡越  
一家況我中原歷代之君每居中國而統四  
夷非止一朝而已如果審識

天命傾心來歸不分等類驗材委用即今在朝諸色  
人物皆已官之朕言不謬

一朕即位之初即遣使往諭四夷高麗青城交

吐皆以奉表稱臣惟沙漠之地尚未往報蓋  
因庚申之君擁殘兵於應昌故耳今彼祿位  
既終人心絕望詔書到日凡迤北各枝諸王  
并受馬頭目人等並依舊制來朝或遣使歸  
順當與換給印信還領所部本居地方羊馬  
孳畜從便牧養

一迤北各枝諸王并受馬人等昔遵前元約束  
得安其生今朕既爲天下主一視同仁華夷  
無間姓氏雖異撫治如前詔書到日敢有違  
者必大舉六師以清沙漠毋或執迷以貽後

悔

一迤北達百姓因元喪亂連年起取軍人供  
給羊馬差撥繁重朕甚憫焉朕今混一天下  
甲兵錢穀倍於前代今後迤北人民各安所居  
於戲君舟民水載覆不常可不畏哉然禮德尚賢  
使民懷仁天下寧有不治妄者乎故茲詔示  
咸使聞知

議賞征討將士詔

洪武三年十一月十二日

奉

天承運

皇帝詔曰朕本農夫託身縉流因有元失馭海宇瓜  
分遇時多艱入於軍伍覩羣雄之無律遂率  
衆以渡江撫太平定建業選將練兵東征西  
討幾二十年荷

上穹垂祐

祖宗積德山川百神之助大將軍等運謀竭忠六師  
用命遂致強殞弱服疆宇真安諸蕃入貢華  
夷一統朕自愧德薄上無以報

天心下無以答神貺恐貽

祖宗之累且何以答諸將六軍委身暴露之艱苦今

日班師振旅定功封爵欲加以重賞則天下  
鎮守之兵及京師護衛之士內外百萬而民  
之資力有限薄取輕收非古人中正之道厚  
歛則有損於民故遵前代之法取之以中用  
倉庫錢糧均其等第以謝軍士崇爵祿頒金  
幣以勞功臣朕本疎愚務從古制今定勲爵  
高下俾其子孫世襲言通天地昭布中外民  
庶咸使聞知

諭擴廓帖木兒黨衆詔 洪武

皇帝詔曰自昔帝王之得天下當大業垂成之際尤

必廣示恩信雖素相仇敵者亦皆無收而並  
用之所以法天地之量而成混一之業也朕  
自起兵淮右收攬羣雄平定華夏惟西北邊  
備未脩蓋以擴郭帖木兒九守孤忠保其餘  
衆居于沙漠以爲邊患朕甚憫之茲用特與  
寬宥必能知時達變慨然來歸其所部將士  
多我中國之人文武智能朕當一一用之有  
願還鄉者聽其賀宗哲孫翥趙恒等果能替  
其來歸其功非小授機之會間不容髮朕言  
不再其審圖之故茲詔諭想宜知悉



皇明詔令卷之一